Bók-Liók

Góa ê Kiù-chú kàng-seng Pek-lī-hêng siâⁿ(457)1

(306)2

Cón ô sìn mia hiàn họi Lí

Goa e si -ima man no Li(300)2	
Góa ê sim-sîn lí tiỏh chhiù ⁿ -koa	
Góa ê sìn-sim nā bô tiā ⁿ (461)4	
Góa ê Siōng-tè góa ê kun-ông(47)5	
Góa him-bō chin-lí ê Sîn(155)6	
Góa him-bō [·] Kiù-chú Iâ-so [·]	
Góa jīn Kiù-chú bô kia n kiàn-siàu	
Góa kiân bê-lō Iâ-so kūn-oá(194)9	
Góa lâi chhin-kūn Iâ-so·	
Góa lâi tiâu-kì ⁿ Lí kiù-siok góa ê Chú(152)11	

Góa oah sī ūi Ki-tok	j
Góa sim bián giâu-gî(140)16	;
Góa sim choan-bū thèng-hāu Siōng-tè(20)17	7
Góa sim chun-kèng góa Chú chòe tōa(344)18	3
Góa sim gióng-bōng slp-jī pó-kè(115)19)

Chú Iâ-hô-hoa...kóng, Góa beh pún-sin chhē góa ê iûⁿ (Í-se-kiat 34:11).

Góa ê Kiù-chú kàng-seng Pek-lī-hêng siâⁿ,
Khùn tī bé-chô lāi, pi-bî bô miâ-siaⁿ;
Kiám m̄-sī kî-sū, tiỏh o-ló I miâ!
Chú teh chhē góa, chhē góa,
Chú teh chhē góa, chhē góa,
Chú teh chhē góa, chhē góa,
Kiám m̄-sī kî-sū, tiỏh o-ló I miâ!
Chú teh chhē góa, chhē góa.

2. Góa ê Kiù-chú tèng tī sip-jī-kè sí, Uī góa hiàn pún-sin, hō góa chōe thoat-lī; Kám m̄-sī kî-sū, thiàn-thàng kàu án-ni! I sí, ūi góa, ūi góa, I sí, ūi góa, ūi góa, I sí, ūi góa, ūi góa, Kiám m̄-sī kî-sū, thiàn-thàng kàu án-ni! I sí, ūi góa, ūi góa. 3. Góa ê Kiù-chú chit sî iáu-kú teh chhē, Khòaⁿ góa tī tiâu-gōa, iau-gō koh sit-bê, Thiaⁿ I chhut-siaⁿ kiò, góa tioh kín lâi tè, Chú teh kiò góa, kiò góa, Chú teh kiò góa, kiò góa, Chú teh kiò góa, kiò góa, Thiaⁿ I chhut-siaⁿ kiò, góa tioh kín lâi tè, Chú teh kiò góa, kiò góa. 4. Góa ê Kiù-chú beh koh tùi thin loh-lâi, Chhōa góa lâi chìn-jip êng-kng ê só-chāi, Chit ê tōa ng-bāng, góa khng tī sim-lāi, Chú beh koh lâi chhē góa, Chú beh koh lâi chhē góa, Chú beh koh lâi chhē góa, Chit ê tōa ng-bāng, góa khng tī sim-lāi, Chú beh koh lâi chhē góa. Hiaⁿ-tī ah, sớ-í góa in-ūi Siōng-tè ê lîn-bín, kh
ng lín hiàn ka-kī ê seng-khu chòe chè, sī oah ê, sèng ê, Siōng-tè sớ
 hoaⁿ-hí ê (Lô-má 12: 1).

- Góa ê sìⁿ-miā hiàn hō[.] Lí, Chòe Lí lō[.]-ēng kàu chit-sì; Sî-khek mî-jlt hiàn hō[.] Chú, Kui êng-kng Lí, bān nî kú.
- Góa ê chhiú ài Lí bēng-lēng, Uī-tioh góa Chú chòe chhe-ēng, Góa kha iah ài ūi Lí hiàn, Siông-siông thòe Lí kiân bô siān.

- 3. Góa ê siaⁿ-im hō Lí ēng, Hoaⁿ-hí o-ló Chú bô thêng; Góa hiàn chhùi-tûn lâi tín-tāng, Pò-thoân hok-im lâi kiù lâng.
- 4. Góa ê chîⁿ-gûn hiàn hō Lí, Eng chhut lóng thàn Lí chí-ì; Góa ê châi-chêng Lí siúⁿ-sù, Kam-goān hêng Lí chòe khì-kū.

5. Góa ê thiàⁿ-thàng kiû Chú chān, Thiàⁿ Lí iâⁿ-kè chit sè-kan; Taⁿ góa lip-chì hiàn ka-kī, Eńg-éng choan-choan kui hō Lí. Lín ti
ỏh o-ló Iâ-hô-hoa, lín ti
ỏh kám-siā Iâ-hô-hoa, in-ūi I sī hó. I ê chû-ài éng-oán tī-teh (Si-phian 106: 1).

 Góa ê sim-sîn, lí tiỏh chhiùⁿ-koa, O-ló kám-siā Iâ-hô-hoa, Iâ-hô-hoa sī góa ê Siōng-tè, I ū chhòng-chō thiⁿ-téng tōe-ē, O-ló Iâ-hô-hoa Siōng-tè. Chí tōa Kiù-chú, thiàⁿ-thàng Siōng-tè, Chiàu-kò^{*} jîn-lūi ê Thiⁿ-pē, Sù-kùi ūn-choán, sù-hok thiⁿ-ē, Chhân-hôg chhut-sán pó^{*} goán khiàm-kheh, O-ló Iâ-hâ-hoa Siōng-tè. 3. Góa ê sim-sîn, góa ê sim-sîn, Khiân-sêng tiâu-kìⁿ Chú ê bīn, I sī choân-lêng, êng-kng Siōng-tè, Eńg-oán tī-lí thiⁿ-téng tōe-ē, O-ló, o-ló Chú Siōng-tè. In-ūi Góa Iâ-hô-hoa, lí ê Siōng-tè, beh khan lí chiàⁿ-chhiú, kā lí kóng, $\bar{\text{M}}$ -bián kiaⁿ, Góa beh pang-chān lí (Í-sài-a 41:13).

Góa ê sìn-sim nā bô tiāⁿ,
 I beh khan góa chhiú ;
 Siat-sú Mô-kúi teh-beh iâⁿ,
 I beh khan góa chhiú.

 Góa ê thiàⁿ-sim nā teh léng, I beh khan góa chhiú;
 In-ūi góa sim bô kian-tēng, I beh khan góa chhiú. Iâ-so sî-khek teh chhōa góa,
 I beh khan góa chhiú;
 In-ūi I ū thiàⁿ-sioh góa,
 I beh khan góa chhiú.

- 4. Iâ-so khòa góa chòe pó-pòe, I beh khan góa chhiú; I beh kap góa kàu lō-bé, I beh khan góa chhiú.
- (Hô) I beh khan góa chhiú, I beh khan góa chhiú, In-ūi Iâ-so thiàn góa kàu-kek, I beh khan góa chhiú.

Si-phian 145: 1-9

- Góa ê Siöng-tè, góa ê Kun-ông, Lí miâ góa beh éng-oán chun-chông, Chú Iâ-hô-hoa chì-koân chì-tōa, Bōe thang chhek-tok, un-hūi móa-móa.
- Chit tāi beh tùi hit tāi o-ló,
 Lí ê koân-lêng sì-kòe thoân-pò,
 Góa beh siūⁿ Lí kî-biāu số chòe,
 Chun-kùi, êng-kng, ui-giâm bōe hòe.

- 3. Lí ê kong-gī koân-lêng úi-tāi, Góa beh kóng-khí hō lâng lóng chai, In-beh pò-iông Chú Lí tōa un, Chhiù koa o-ló, mî-jit kèng-chun.
- Lí ū un-hūi koh ū lîn-bín, Bô khoài siū-khì, chû-ài bô chīn, Si-un tì-ìm it-chhè siū chō, Eng sim kám-siā, ēng chhùi o-ló.

Pó-hūi-su, chiū-sī Sèng Sîn...beh chiong it-chhè ê sū kà-sī lín (Iok-hān 14: 26).

- Góa him-bō chin-lí ê Sîn, Kiû Lí éng tiàm góa lāi-bīn ; Kiò-chhíⁿ góa sim bat tō-lí, It-hoat bêng-pek sèng chí-ì.
- Góa him-bō thiàn-thàng ê Sîn, Kiû Lí éng tiàm góa lāi-bīn; Siún-sù iām hé, tû chōe-giat, Sim-su ù-òe pìn sèng-kiat.

- 3. Góa him-bō pêng-an ê Sîn, Kiû Lí éng tiàm góa lāi-bīn ; Sè-chêng kiáu-jiáu sim bōe chēng, Tiàm Lí slt-ē tit an-lêng.
- 4. Góa him-bō koân-lêng ê Sîn, Kiû Lí éng tiàm góa lāi-bīn ; Thâu-chêng lō-chām bōe-ōe chai, Khò Lí chìn-chêng bián siū hāi.

5. Góa him-bō hoaⁿ-hí ê Sîn, Kiû Lí éng tiàm góa lāi-bīn ; Sui tiàm soaⁿ-kan kap khòng-iá, Kàu éng-oán o-ló kám-siā. Siōng-tè ah, ... góa ê sim chhùi-ta siàu-liām Lí, góa ê jiỏk-thé chhiat-chhiat him-bō Lí (Si-phian 63:1).

Góa him-bō Kiù-chú Iâ-so,
 In-ūi chōe-ok móa-móa,
 Sim-koaⁿ o-àm ū hoān-chōe,
 Lêng-hûn ná sí chit-poaⁿ;
 Aì tit chheng-khì ê chúi-chôaⁿ,
 Hō góa chōe-kòa sóe chheng,
 Sī tùi Ki-tok ê pó-huih,
 Tit-tiòh siok-chōe chiâⁿ-sèng.

2. Góa him-bō' Kiù-chú Iâ-so', Kiû Lí si tōa koân-lêng, Kám-hòa góa sim ōe ióng-kiāⁿ, Sî-khek koàn-kò' bô thêng; Góa him-bō' Chú ê jîn-ài, Hō' góa lō'-chiūⁿ khoài-lok, Kian-kò' góa sim bô giâu-gî, Hû-chhî chān góa sìn-hok. 3. Góa him-bō' Kiù-chú Iâ-so', Chì hó pêng-iú sī Lí, Chhim-chhim an-ùi khó-lîn góa, Chiàu-kò' bô lūn siⁿ sí; Góa ài tit Chú ê chû-pi, Lí chai tak lâng khòa-lū, Iah chai tak hāng ê chhì-liān, Thé-thiap iu-būn khó'-sū. 4. Góa him-bō' Kiù-chú Iâ-so', Ng-bāng kìⁿ Lí ê bīn, Thang khòaⁿ Thiⁿ Pē ê êng-kng, Chai I un-tián bô chīn; Chú huih só' siok ê kiáⁿ-jî, Góa kap in tâng hoaⁿ-hí, Gîm-si o-ló Chú Iâ-so', Tī thiⁿ éng-oán kìⁿ Lí. Sip-jī-kè ê tō-lí, tîm-lûn ê lâng khòa
n chòe gōng, lán tit-kiù ê lâng khòa
n chòe Siōng-tè ê koân-lêng (I Ko-lîm-to 1:18).

- Góa jīn Kiù-chú bô kiaⁿ kiàn-siàu, Hó-táⁿ kan-chèng tō-lí;
 Chheng-ho Iâ-so un-tián ò-biāu, Hoaⁿ-hí thàn I kà-sī.
- Iâ-so sèng-miâ, chì-kùi, chì-pó, Sè-kan bô miâ thang pí; Siⁿ-chêng khò Chú bián tì hoân-ló, Sí-aū éng hióng hok-khì.

- Iâ-so choân-lêng chin ōe pì-iū, Góa chai Kiù-chú sêng-sit;
 Sin-thé, lêng-hûn, kau I ê chhiú, Pó-choân tit kàu boat-jit.
- Sím-phòaⁿ ê jlt, Siōng-tè bīn-chêng, Kiù-chú jīn góa chiān miâ;
 Tī Pē ê chhù, hō góa pâng-keng, Eńg tiàm thiⁿ-téng sèng-siâⁿ.

Góa sĩ s
è-kan ê kng, tè góa ê lâng bô kiâ
n tĩ àm, hoán-t
ńg beh ū oảh-miā ê kng (Iok-hān 8:12).

Góa kiâⁿ bê-lō[.] Iâ-so[.] kūn-oá,
 Chiū chhut un-jiû ê siaⁿ,
 Kiò kóng, 'Chin-kng oah-lō[.] sī Góa ;
 Lí tiỏh tè Góa lâi kiâⁿ';
 Góa tè Iâ-so[.] chiū ū tōa-hok,
 Sim-koaⁿ ōe tit kng-bêng,
 Taⁿ góa kiâⁿ lō[.] m̄-bián chha-chhok,
 Hok-im chhin-chhiūⁿ lō[.]-teng.

Góa siān sit-chì Iâ-so kūn-oá,
 Hián-chhut lîn-bín chû-ài;
 Kiò kóng, 'Hō lâng pêng-an sī Góa;
 Lí tan sián-sū m-lâi?'
 Góa hō Iâ-so hû-chhî chiàu-kò,
 An-hioh tī I heng-chêng;
 Chek-sî thoat-lī kan-lân lô-khó,
 Sim-koan an-jiân kek chheng.

3. Góa iau chhùi-ta, Iâ-so kūn-oá, Hián-bêng chû-pi ê sim, Kiò kóng, 'Oah-pián, oah-chúi sī Góa, Lí tiỏh lâi chiah, lâi lim'; Góa tùi Iâ-so tit-tiỏh hong-sēng, Lâi lim, lâi chiah che iân; Hit sî í-aū bô koh khiàm-ēng, Lō-bé iā ōe seng-thian. Chiū-kūn góa ê lâng, góa koat-toàn bô khì-sak i (Iok-hān 6:37).

- Góa lâi chhin-kūn Iâ-so;
 I ōe sù tōa hok;
 Sim-lāi nā ū iu-būn,
 I hō góa khoài-lok.
- (Hô) Góa lâi chhin-kūn Iâ-so; Sim-chiū kek hoaⁿ-hí; I un-jiû kiò sòe-kiáⁿ, Chhin-chhiūⁿ góa kap lí.

Góa lâi chhin-kūn Iâ-so^{*},
 I ōe thiaⁿ kî-tó;
 In-ūi chhim-chhim thiàⁿ góa,
 Tam-tng chōe siū-khó^{*}.

Góa lâi chhin-kūn Iâ-so^{*},
 I ōe khan góa chhiú;
 Un-sûn chhōa góa chìn-chêng,
 Jip Thian-tông tit-kiù.

4. Hia kap khoài-lỏk sòe-kiáⁿ, Tit peh-saⁿ thang chhēng; Tiâu-kìⁿ góa ê Kiù-chú, Eńg tiàm I bīn-chêng. $T\bar{\imath}$ sè-kan lín
ū khó-lān, tỏk-tỏk lín thang pàng-sim ; Góa í-keng khah-iân sè-kan (Iok-hān 16:33).

- Góa lâi tiâu-kìⁿ Lí, kiù-siok góa ê Chú, Lí sī góa só khò, góa sim ê Kiù-chú, Uī-tioh khó-lîn góa, Lí bat siū khó-thàng, Goán it-chhè khòa-lū, kiû Lí lâi tháu-pàng.
- Lí chiū-sī chû-pi, un-tián ê Kun-ông, Eng choân-lêng tī-lí, bān-bîn số chun-chông, Kiû Lí taⁿ kàng-lîm, tī goán sim chiáng-koán, Hián-chhut Lí sûn-kiat, tōa kng lâi chiò goán.

- 3. Lí chiū-sī oah-miā, góa tùi Lí seng-chûn, It-chhè ê un-hūi, châi-tiāu Lí só pun, Kiû Lí chiong sìn-gióng, koân-lêng hû-chhî goán, Sù goán ū khùi-lat, iân chhì-liān sûn-choân.
- 4. Chú Lí ū chin-slt, oân-choân ê un-sûn, Lí bē bat hián-chhut, chân-jím kap thòng-hūn, Goān Lí siúⁿ-sù goán hong-sēng ê un-hūi, Tī oân-choân it-tì, hô-hâi lâi chòe tui.

5. Tû-khí Lí í-gōa, pat-ūi bô ng-bāng, Tī Chú ê èng-ún, số sìn bô khang-khang, Kiû sù goán hô-pêng, an-chēng kap khak-sìn, Tī Lí ê khùi-lat, hō goán éng kian-sim. Goán tiàm tī chit ê pò·-pîⁿ teh thó·-khùi, put-chí him-bō· goán tùi thiⁿ-nih ê chhù, chhin-chhiūⁿ saⁿ chhēng thah--loh-khì (II Ko-lîm-to 5:2).

 Góa ná chhut-gōa lâng-kheh, Thiⁿ sī góa ke, Sè-kan m̄-sī chó-ke, Thiⁿ sī góa ke, Sè-bīn gûi-hiám, iu-būn, Hiān-chāi put-sî saⁿ-kūn, Thian-tông góa iā ū hūn, Thiⁿ sī góa ke. Sui ū kan-khó ê sū,
 Thiⁿ sī góa ke,
 Góa chòe lâng-kheh bô kú,
 Thiⁿ sī góa ke,
 Kan-khó, siong-pi, kiáu-jiáu,
 Bô kú chiū ōe kè-liáu,
 An-sim thèng-hāu Chú tiàu,
 Thiⁿ sī góa ke.

3. Bô-lūn tú-tiỏh siáⁿ-sū, Thiⁿ sī góa ke, Góa sim choân bô khòa-lū, Thiⁿ sī góa ke, Lō-bé tek-khak hoaⁿ-hí, Hō Chú chiap-lap chiūⁿ thiⁿ, Thian-tông kú-tng khiā-khí, Thiⁿ sī góa ke. Tiổn tì-ì téng-bīn \hat{e} sū, \bar{m} -thang tì-ì tōe-chi \bar{u}^n \hat{e} sū (Ko-lô-se 3:2).

- Góa nā tham-loân sè-kan hok-khì, Thiⁿ Pē kiû Lí kìm-chí, Góa nā só kiû hap Lí chí-ì, Àⁿ-loh thiaⁿ Lí kiáⁿ-jî.
- Hō góa kám-un, an-chēng ê sim, Tak sî ti-chiok, hoaⁿ-hí, Siúⁿ-sù Sèng Sîn un-tián kek-chhim, Chān góa siông-siông thiàⁿ Lí.

3. Hek oah hek sí, choân bô kiaⁿ-hiâⁿ, Hoaⁿ-hí chòe Lí ê kiáⁿ, Eng Lí ê kng lâi chiò thâu-chêng, Lō-tô ka-pē kng-bêng. O-ló, chun-kùi, êng-kng, koân-sè, lóng kui hō chē tī chō-ūi ê, kap Iû^-ko, kàu tāi-tāi bô chīn (Khé-sī-liỏk 5:13).

- Góa o-ló Thiⁿ-pē, Chhe-khián Sèng Kiáⁿ kàng-sè, Chiū-sī Iâ-so thòe góa sí, Taⁿ koh-oah chiūⁿ thiⁿ.
- Góa o-ló Kiù-chú, Siúⁿ-sù góa Pó-hūi-su, Chiū-sī chin-lí ê Sèng Sîn, Beh kám-hòa góa sim.

- Góa o-ló Sèng Sîn, Chān góa khò Chú chhim-sìn, Hiòng-chêng pháu-cháu bô oat-thâu, Kàu Thian-tông góa tau.
- (Hô) Hok-khì, koân-lêng, êng-kng kui Chú, Sī góa sim sớ goān ; Hok-khì, koân-lêng, êng-kng kui Chú, Tỉt-tỉt kàu éng-oán.

Lūn kàu góa, oah chiū-sī Ki-tok, sí chiū-sī lī-ek (Hui-lip-pí 1:21).

- Góa oah sī ūi Ki-tok, Sí, tit lī-ek ū hok; Góa ê sim-bak ng Chú ê kok, Chòe Lí chīn-tiong lô-pok.
- Bô lūn tì-hūi pún-sū,
 Á-sī chun-kùi hù-jū;
 Lóng hiàn hō Chú, chòe Lí khì-kū,
 Chòe Chú lō-ēng kú-kú.

- Bô lūn khùn-khó iau-gō, Á-sī iu-būn hoân-ló;
 Iah ūi-tioh Chú, chīn-lat thoân-pò,
 Ià-siān sit-chì lóng bô.
- Uī Chú pē sip-jī-kè,
 Hó-táⁿ chìn-chêng bô thè;
 Chīn-tiong kàu-sí, lóng bô pàng-hē,
 Uī Chú phe-miā kàu bé.

In-ūi Iâ-hô-hoa beh chòe lí sớ oá-khò--ê ; I beh pó-siú lí ê kha bô hām-lỏh lô-bāng (Chim-giân 3:26).

- Góa sim bián giâu-gî, Chú sî-siông kūn-oá;
 Tek-khak beh chhut-hiān, si-un pó-hō góa,
 Góa nā pek-chhiat khún-kiû, tak hāng I beh chiâ ;
 Kiù-chú nā tī chûn-lāi, hong-éng góa bián kia .
- 2. Lō-tô sui-jiân àm, Chú chhōa lō chí-sī; Góa chí-ū tiỏh thàn, tak hāng I pâi-pí, Sè-chiū chhin-chhiū phû-hûn, khò che lóng bô ún; Chú èng-ún bōe kóe-oā, tak hāng lóng ū chún.

- 3. I éng-oán thiàⁿ góa, góa lóng bián sit-chì; I bô pàng-sak góa, kap góa bô saⁿ-lī, Hoān-sū góa só keng-kè, Chān góa kian-kò sìn; I ū koat-toàn ì-sù, beh kiù góa kàu chīn.
- 4. I éng-oán tiāⁿ-tiỏh, beh kiù góa thoat-lī; Bián hō Sat-tàn hāi, tùi sìn chheng chòe gī, I chīn-sim teh chí-sī, Hō góa sìn-khò I; Chú ún-tàng beh ín-chhōa, Pó-hō kàu chit-sì.

Si-phian (62:1-12).

- Góa sim choan-bū thèng-hāu Siōng-tè, Chín-kiù sī tùi I lâi, I sī chioh-pôaⁿ kian-kò iâⁿ-chē, Hō góa an-jiân khiā-chāi.
- 2. Lín kong-kek lâng sòa húi-hoāi i, Ná ián khi-chhiâ ê chhiûⁿ, Saⁿ-kap kè-bô beh kàu tī sî? Pháiⁿ-tāi thài beh koh siūⁿ?

- 3. In chhùi chiok-hok, sim-lāi chiù-chó, Koh iā hoaⁿ-hí peh-chhat, Góa sim chēng-chēng m̄-bián kan-khó, Thèng-hāu Siōng-tè kàm-chhat.
- Pi-bî ê lâng chin-chiàⁿ khang-hu, Chun-kùi iā sī chiām-sî, Hē tī thian-phêng tek-khak ōe phû, Khah khin ho-khip ê khì.

5. Boh khò pō-giok kiau-ngō chhiún-theh, Boh siūn châi-pó ke-thin, Koân-lêng chû-ài siok tī Siōng-tè, Chiàu số kiân pò-èng i.

Lō:-ka 1:46-55.

- Góa sim chun-kèng góa Chú chòe tōa, Liah I chòe góa hoaⁿ-hí, Khòaⁿ-kò pi-bî si-un kiù góa, Bān-sè kóng góa "hok-khì."
- Choân-lêng ê Chú ūi góa lâi kiâⁿ, Kek tōa kî-biāu tāi-chì, Sèng Sîn khùi-lat tī góa lâi chiâⁿ, Goān Sèng miâ siū kú-khí.

- Kèng-ùi Chú ê, I lîn-bín in, Tit kàu tāi-tāi bô thè, Kiau-ngō ê lâng I kóaⁿ-sòaⁿ in, Sèng chhiú kòng-phòa khúi-kè.
- Chú beh pak-lut koân-sè tōe-ūi, Pi-bî, seng in chòe koân, Iau-gō ê lâng Chú sù un-hūi, Hō in pá-chiok un-loán.

5. Hó-giảh, hō in khang-khang tò-khì, Sim-lāi lóng bô an-lòk, Soán-bîn Chú sù un-tián chû-pi, Hō in éng-oán hióng-hok. Nā-sī góa toàn-toàn \bar{m} khoa-kháu pat-hāng, chí- \bar{u} khoa-kháu lán ê Chú Iâ-so Ki-tok ê sip-jī-kè nā-tiā (Ka-liap-thài 6:14).

- Góa sim gióng-bōng s'p-jī pó-kè, Eng-iāu ê Chú thòe góa siū chōe, Góa chêng him-bō sè-chiūⁿ êng-hôa, Taⁿ goān ūi Chú lóng-chóng pàng soah.
- Hō góa boh-tit khoa-kháu it-chhè, Chí-ū khoa-kháu góa Chú sip-kè, Sè-kan só ū khang-hu hok-khì, Uī Chú pó-huih chêng-goān pàng lī.

- 3. Lâi khòaⁿ Kiù-chú thâu-khak kha-chhiú, Lâu chhut pó-huih chû-ài iu-chhiû, Che iūⁿ thiàⁿ-thàng chū-kó bī-iú, Chhì-phè piàn chiâⁿ êng-iāu bián-liû.
- 4. Siat-sú tit-tiỏh pó-gek ng-kim, Choân hiàn hō Chú iā bōe kàu chīn, Chú thiàn sè-jîn tng khoah koân chhim, Góa beh pò-tap choân hiàn góa sim.

Si-phian 116: 1-19

- Góa sim kèng-thiàⁿ Chú Iâ-hô-hoa, Thiaⁿ góa khún-kiû ê siaⁿ, I àⁿ hī-khang hoaⁿ-hí thiaⁿ góa, Góa beh kiû-kiò I miâ.
- Chú siúⁿ-sù góa un-tián chin chōe, Góa tioh cháiⁿ-iūⁿ pò-tap, Góa beh phâng khí kiù-un ê poe, Goān Lí hoaⁿ-hí kàm-lap.

- 3. Góa chòe lô-pok sī siok tī Lí, Lí ū tháu-pàng góa chōe, Chú khòaⁿ I sèng peh-sìⁿ ê sí, Sit-chāi chòe chin pó-pòe.
- Góa beh tī chèng peh-sìⁿ bīn-chêng, Tùi Chú siā góa ê goān, Tī Lí sèng-siâⁿ Iâ-lō-sat-léng, O-ló Chú kàu éng-oán.

September 2021

- 20 Góa lâi thiâu-kìⁿ Lí, kiù-siỏk góa ê Chú, Lí sī góa só khò, góa sim ê Kiù-chú, Uī-tiỏh khó-lîn góa, Lí bat siū khó-thàng, Goán it-chhè khòa-lū, kiû Lí lâi tháu-pàng.
- 21 Lí chiū-sī chû-pi, un-tián ê Kun-ông, Eng choân-lêng tī-lí, bān-bîn só chun-chông, Kiû Lí tan kàng-lîm, tī goán sim chiáng-koán, Hián-chhut Lí sûn-kiat, tōa kng lâi chiò goán.
- 22 Lí chiū-sī oah-miā, góa tùi Lí seng-chûn, It-chhè ê un-hūi, châi-tiāu Lí sớ pun, Kiû Lí chiong sìn-gióng, koân-lêng hû-chhî goán, Sù goán ū khùi-lat, iân chhì-liān sûn-choân.
- 23 Chú Lí ū chin-sit, oân-choân ê un-sûn, Lí bē bat hián-chhut, chân-jím kap thòng-hūn, Goān Lí siúⁿ-sù goán hong-sēng ê un-hūi, Tī oân-choân it-tì, hô-hâi lâi chòe tui.
- 24 Tû-khí Lí í-gōa, pắt-ūi bô ng-bāng, Tī Chú ê èng-ún, số sìn bô khang-khang, Kiû sù goán hô-pêng, an-chēng kap khak-sìn, Tī Lí ê khùi-lắt, hō goán éng kian-sim.